

आकाशवाणी

खास-खास खबरां:-

- संसदीय मामले दे मंत्री किरन रिजिजू होरें आखेया ऐ जे लोकसभा च गलत ते झूठे ब्यान देइयै सदन गी गुमराह करने दे आरोप च सरकार राहुल गांधी हुंदे खिलाफ विशेषाधिकार नोटस भेजग।
- औद्योगिक सरबंध संहिता 2020 च संशोधन सरबंधि बिल 2026 कल लोकसभा च पेश कीता गया।
- प्रधानमंत्री नरेन्द्र मोदी होरें Rolls Royce दे मुख कार्जकारी अधिकारी कन्नै मलाटी कीती ते भारत च विस्तार योजनाएं दा सुआगत कीता।
- केन्द्री माध्यमिक शिक्षा बोर्ड सी.बी.एस.इ इस बरे थमां 12मीं जमात दिये आंसर शीटें दे मूलांकन लेई ऑन-स्क्रीन मार्किंग बवस्था शुरु करोग।
- बंगलादेश च 13में राष्ट्रीय संसदीय चुना ते जनमत संगैह लेई मतदान शुरु होई गेदा ऐ।
- आई.सी.सी. टी-20 विश्व कप च अज्ज भारत दा मुकाबला नामीबिया कन्नै होग।

<><><><><><>

Rijiju-Rahul Gandhi

संसदीय मामलें दे मंत्री किरन रिजिजू होरें आखेआ ऐ कि लोकसभा बजट पर चर्चा दे दरान बेबुनियाद बयान देइयै सदन गी गुमराह करने दे आरोप च सरकार राहुल गांधी हुंदे खिलाफ इक विशेषाधिकार नोटस भेजोग। कल संवाददाताएं कन्नै गल्लबात करदे होई उ'नें आखेआ कि राहुल गांधी होरें प्रधानमंत्री मोदी हुंदे पर बी झूठे ते बेबुनियाद आरोप लाए न। उ'नें पुच्देआ जे राहुल गांधी होरें गी दस्सना होग जे उ'नें किस सूचना दा जानकारी दी बिनाह पर एह आरोप लाए न ते अपने आरोपें गी ओह साबत करियै दस्सन।

किरेन रिजिजू होरें आखेआ कि राहुल गांधी हुंदी एह हरकत विशेष अधिकार दी सरासर खलाफवर्जी ऐ ते सरकार अध्यक्ष होरें गी इस सरबंधे च जरूरी नोटिस भेजोग। उ'नें दोष लाया जे बरोधी धड़े दे नेता नै बजट पर चर्चा च कोई कारी दा सहयोग या योगदान नेई दित्ता जेहड़ी जे इक बड़े गै मंदे भागें आहली गल्ल ऐ।

<><><><><><>

#### Industrial Relations Code Bill

लोकसभा च औद्योगिक सरबंध संहिता संशोधन विधेयक-2026 पेश कीता गया। एदा मकसद 2020 दे औद्योगिक सरबंध संहिता च कीते गेदे किश बदलावें दी निरंतरता गी लेइयै भविक्ख च होने आहले गैर-जरूरी मुश्कलें थमां बचने दे उपास करना ऐ। केन्द्रीय श्रम ते रोजगार मंत्री मनसुख मांडविया होरें शून्यकाल दौरान सदन च एह विधेयक पेश कीता। विधेयक दे मकसद ते वजहें दे ब्यौरे मूजब औद्योगिक सरबंध संहिता 2020 ट्रेड यूनियन अधिनियम 1926- औद्योगिक रोजगार अधिनियम 1946- औद्योगिक विवाद अधिनियम 1947 दी थाहर लैती ऐ- जेड़ा ट्रेड युनियन- औद्योगिक इकाइयें च रोजागार ते औद्योगिक विवादें कन्नै सरबंधत ऐ।

<><><><><><>

#### Rajyasabha

राज्यभा च अज्ज केन्द्री बजट 2026-27 पर परतियै चर्चा शुरु होग। केन्द्री खजाना मंत्री निर्मला सीतारमण हुंदी केन्द्री बजट पर होई दी आम चर्चा पर परता देने दी संभावना ऐ। कल लोकसभा च केन्द्री खजाना मंत्री होरें अर्थबवस्था दी मजबूती ते औने आहलें बरे च विकास गी रफतार देने लेई सरकार दे नजरिए गी सब्भनें सामने रक्खेया। एहदे इलावा अज्ज सांसद भर्तुहरि महताब होर कुल संसारी आर्थिक ते भू-राजनैतिक हालात दे बारे च भारत दी आर्थिक समझ बारे रुपरेखा पर स्थाई समीति दी रिपोर्ट बी सदन च रखगंन।

<><><><><><>

PM- Rolls Royce

प्रधानमंत्री नरेन्द्र मोदी हो'रें रोल्स रॉयस दे मुख् कार्जकारी अधिकारी तुफान एर्गिन बिलगिस हुं'दे नै मलाटी कीती। इक् सोशल मीडिया पोस्ट च मोदी हो'रें आखेया जे भारत रोल्स रॉयस दी भारत च अपनी गतिविधियें दा विस्तार करने ते देसै दे नवाचारी ते समर्थवान नौजवानें कन्नै सांझेदारी करने दी उत्सुक्ता दा सुआगत करदा ऐ।

<><><><><><>

Textile

भारत ते अमरीका बश्कार होर दे अंतरिम बपार समझौते दा कपड़ा उद्योग नै सोआगत कीता ऐ। आलोक इंडस्ट्रीज लिमिटेड ते रिलायंस इंडस्ट्रीज लिमिटेड दे अध्यक्ष एनिल राजवंशी हो'रें आखेया ऐ जे इस समझौते कन्नै भारत ते अमरीका बश्कार बपार बढोग। राजवंशी हो'रें आखेया जे इस समझौते कन्नै कपड़ा उद्योग च साइडे 4 करोड़ रपे थमां मते दा लोकें गी लाह होग। इसदे कन्नै रोजगार दे मौके पैदा होगन ते उत्पादन बढौग।

<><><><><><>

National Productivity Week

राष्ट्रीय उत्पादकता परिषद एन.पी.सी. अपने 68में स्थापना दिवस दे सिलसिले च अज्ज राष्ट्रीय उत्पादकता हफते दी शुरुआत करोग। एह हफता इस महीने दी 18 तरीक तगर मुख् भरै च मनाया जाहग। इस बरे उत्पादकता हफते दा विषय सार ऐ- “विकास दे ईजन दे रुपै च कल्स्टर” एम.एस.एम.इ च उत्पादकता गी बधाना। मंत्रालय नै आखेया ऐ जे एह विषय उद्योग ते बपार मंत्री पीयूष गोयल हुं'दे आसेया एम.एस.एम.इ गी मजबूती देने- विनिर्माण क्षेत्र च मकाबलेबाजी बधाने ते टिकाऊ उद्योगिकरण गी बढावा देने गी दिती जा रदी तरजीह दे मताबक ऐ। इस हफते दे दौरान बेंगलुरु- भुवनेश्वर- चंडीगढ़- चेन्नई- गांधीनगर- गुवाहाटी ते हैदराबाद सनें मुख् भरै च केई कार्यक्रम सेमीनार ते कार्जशालाएं दा सरिस्ता कीता जाहग।

इस मौके 24 मकामी उत्पादकता परिषदें- भारत सरकार दे सरबंधत मंत्रालय- राज्य सरकारां- उद्योग ते बपार संघ ते तालीमी इदारें मिलियै जन-जागरुकता ते सम्पर्क कार्यक्रम आयोजित करगंन।

<><><><><><>

CBSE -OSM

केन्द्री माध्यमिक शिक्षा बोर्ड सी.बी.एस.इ इस बरे थमां 12मीं जमात दी आंसर शीटें दे मूलांकन लेई ऑन- स्क्रीन मीर्किंग बवस्था लागू करोग। अजें कि 10मीं क्लास दे मतेहानें दी आंसर शीटें दी मीर्किंग पैहले आंगर गै कीती जाहग। सी.बी.एस.इ दे मतेहानें दे कंट्रोलर संयम भारद्वाज होरें दस्सेया ऐ जे बोर्ड नै एह फैसला मतेहानें च मती पारदर्शिता ते जवाबदेही जकीनी बनाने लेई लैता ऐ। बोर्ड नै इस बरे थमां 10मीं दी दुई बोर्ड परीक्षा शुरु करने दा बी फैसला लैता ऐ। एह मतेहान उ'नें विद्यार्थियें लेई होग- जेहड़े अपने प्रदर्शन च सुधार आहन्ना चाहंदे न। एह सुविधा आप्शनल यानि वैकल्पिक होग यानि जेहड़े बच्चें एहदा लाह लैना चाहन लेई सकदे न।

<><><><><><>

Vande Matram

सरकार नै भारत दे राष्ट्रीय गीत “वंदे मातरम” दी पालमा दे सरबंधे च तफसीली दिशा-निर्देश जारी कीते न। इंदे च आखेया गया ऐ जे जिसलै बी राष्ट्रीय गान ते राष्ट्रीय गीत कन्नो-कन्नी गाए जान- तां राष्ट्रीय गीत दे सब्भै पैहले 6 पैरे गाना जरुरी होग। केन्द्री गृह मंत्रालय मुजब राष्ट्रपति हुं'दे औने- झंडा चाढ़ने ते राज्यपालें दे सम्बोधन जनेए प्रमुख सरकारी समारोहें दे मौके पर पूरा 6 पैरें आहला राष्ट्रीय गीत गाया जां बजाना लाजमी होग। इनें निर्देशें मुजब नागरिक सम्मान समारोहें- राष्ट्रीय ते राज्यपालें दे औने ते जाने पर- सरकारी समारोहें ते सरकार आसेया आयोजित होरनें समारोहें च राष्ट्रगान दा अधिकारिक सरुप बजाया जाहग।

राष्ट्रपति हुंदे आसेया आकाशवाणी ते टैलीवीजन पर राष्ट्र गी सम्बोधत करने कोला ठीक पैहले ते मगरा ते कन्ने राष्ट्रीय झंडे गी परेड च लेई जाने दे समें पर बी राष्ट्रगान बजाना लाजमी होग। मंत्रालय नै अगगै आखेया ऐ जे जिनें संभाएं च राष्ट्रगान गाया जंदा ऐ उत्थे मजूद सब्भनें लोकें गी सावधान खड़ा होना बी जरूरी होग।

<><><><><><>

### Bangladesh Polling

बंगलादेश च अज्ज सख्त सुरक्षा बंदोबस्ते हेठ 13में राष्ट्रीय संसदी चुनां ते कन्ने जनमत संग्रह लेई मतदान जारी ऐ। वोट पाने दा सिलसिला बड्डलै 8 बजे दा शुरु होई चुके दा ऐ-जेहड़ा संजा साड्डे 4 बजे धोड़ी जारी रौहग। एह मतदान 299 चुनावी हलके दे 42 जहार 779 मतदान केन्द्रें पर चलै करदा ऐ। शेरपुर-3 नम्बर सीट पर इक मेदवार दी मौत दे कारण उत्थै मतदान अगडे पाई दिता गया ऐ। बंगलादेश चुना आयोग मुजब अज्ज 12 करोड़ 77 लकख मतदाता वोट पाने दे अपने अधिकार दा इस्तमाल करगंन। चुनां गी ध्यानै च रक्खदे होई 9 लकख 58 जहार सुरक्षाकर्मियें गी तैनात कीता गेदा ऐ।

<><><><><><>

### ICC T-20 World Cup

आई.सी.सी. टी-20 विश्व कप 2026 दे कल खेड्डे गेदे त्रंऊ मैचें च वेस्ट इंडीज- आस्ट्रेलिया ते दक्खन अफ्रीका नै जित दर्ज कीती। जन्दी रातीं मुम्बई च खेड्डे गेदे मैच च वेस्ट इंडीज नै इंग्लैंड गी 30 रन्ज कन्ने रहाया- अहमदाबाद च दक्खन अफ्रीका नै दिलचस्प डबल सुपर ओवर मुकाबलें च अफगानिस्तान गी 4 रन्ज कन्ने रहाया। तौंआई कोलम्बो च आस्ट्रेलिया नै आयरलैंड गी 67 रन्ज कन्ने रहाया। टी-20 विश्व कप च अज्ज बी 3 मैच होगंन। पैहला मैच बड्डलै 11 बजे श्रीलंका ते ओमान बश्कार- दूआ दिने 3 बजे नेपाल ते इटली बश्कार ते त्रीया मैच शामी 7 बजे भारत ते नामीबिया बश्कार खेडेया जाग।

<><><><><><>

## Medagaskaekar Cyclone

हिंद महासागर च स्थित मेडागास्कर टॉपू पर आए दे चक्रवाती तूफान गेज़ानी दे कारण 31 लोकें दे मारे जाने दी खबर ऐ। इस तूफान च बहा दी रफतार 195 किलोमीटर फही घंटा दस्सी गई ऐ। अधिकारियें दा आक्खना ऐ जे इस खतरनाक तूफान दे पूर्वी बंदरगाह आहले शैहर टोमासिना दे कंडे कन्नै टकराने कारण केंई ईमारतां ढेई पेड़या ते बिजली ढांचे गी बी मता नुक्सान पुज्जा ऐ। राष्ट्रीय आपदा प्रबंधन दे दफतरै 36 लोकें दे घायल होने दी बी जानकारी दिती ऐ ते 6 जहार कोला मते लोकें गी सुरक्षित थाहरै पुजाया गया ऐ। केंई लोक लापता बी दस्से जा'करदे न- जेहदे चलदे जानी नुक्सान दी गिनतरी होर बधने दी शेंका जताई गई ऐ। हाड़े ते ल्हास-पस्सियें दी शेंका दी पछोकड़ै च केंई इलाकें लेई रेड-अलर्ट जारी कीता गेदा ऐ। एह चक्रवाती तूफान- फितिया तूफान दे दंऊ हफते कोला बी घट्ट समें बाद आया ऐ जेहदे च 14 लोक मारे गे हे।

<><><><><><>